

## **BAB V**

### **KACINDEKAN JEUNG SARAN**

#### **5.1 Kacindekan**

Dumasar kana hasil panalungtikan ngeunaan modél *Number Head Together* (NHT) dina pangajaran maca warta siswa kelas X-1 SMA Negeri 13 Bandung, bisa dicindekkeun saperti ieu di handap.

- 1) Kamampuh maca warta siswa kelas X-1 SMA Negeri 13 Bandung saméméh ngagunakeun modél NHT téh masih kurang nyugemakeun, katitén tina rata-rata peunteun pratés siswa nya éta 68,9. Lantaran rata-rata peunteun siswa masih kurang ti Kriteria Ketuntasan Minimal (KKM) anu 75, hartina siswa dianggap aya dina kategori acan mampuh maham kana warta.
- 2) Kamampuh siswa kelas X-1 SMA Negeri 13 Bandung sabada ngagunakeun modél NHT téh ngaronjat, rata-rata peunteun pascatésna nya éta 79,6. Lantaran rata-rata peunteun siswa geus nyumponan kana Kriteria Ketuntasan Minimal (KKM) anu 75, hartina siswa dianggap aya dina kategori anu geus mampuh maham kana warta.
- 3) Aya bédha anu signifikan antara kamampuh maca warta siswa kelas X-1 SMA Negeri 13 Bandung saméméh jeung sabada ngagunakeun modél NHT. Katitén tina uji hipotésis anu hasilna nya éta  $H_a$  (hipotésis gawé) ditarima sarta  $H_0$  (hipotésis nol) ditolak. Hartina, aya bédéaan anu signifikan antara kamampuh maca warta siswa kelas X-1 SMA Negeri 13 Bandung saméméh jeung sabada ngagunakeun modél NHT. Jadi, bisa dicindekkeun yén modél NHT bisa ngaronjatkeun kamampuh maca warta siswa kelas X-1 SMA Negeri 13 Bandung.

#### **5.2 Saran**

Respi Lestari,2013

*MODÉL NUMBER HEAD TOGETHER (NHT) DINA PANGAJARAN MACA WARTA*

Dumasar kana panalungtikan anu geus dilakukeun, aya sababaraha saran anu baris ditepikeun tina ieu panalungtikan, di antarana:

- 1) Modé'l NHT bisa ngaronjatkeun kamampuh maca warta. Ku kituna, modé'l NHT bisa dijadikeun salasahiji alternatif pikeun guru dina pangajaran maca pamahaman warta. Éta hal mangrupa salasahiji taré'kah sangkan siswa henteu bosen nalika diajar, miboga rasa percaya diri, sarta miboga motivasi pikeun mikir aktif lantaran miboga tanggung jawab ka kelompokna.
- 2) Ayana panalungtikan ngeunaan modé'l pangajaran NHT pikeun matéri pangajaran lianna salian ti maca warta. Éta lantaran modé'l pangajaran téh penting pisan kalungguhanna dina prosés diajar-ngajar. Disagédéngéun udagan pikeun ngahontal tujuan akademik, dipiharep ogé pangajaran téh bisa numuwukeun karakter siswa anu hadé.
- 3) Pikeun anu rék ngalarapkeun modé'l NHT, dipiharep sangkan leuwih asak dina ngararancang pangajaran. Misalna dina perkara ngabagi-bagi alokasi waktu, nyiapkeun matéri atawa bahan ajar anu rék ditepikeun, nyiapkeun sarana pangrojong saperti lembar gawé, sarta nyiapkeun nomer pikeun idéntitas anggota kelompok.